

Въ виду часто поступающихъ къ намъ запросовъ, гдѣ и какъ можно приобрести „Списокъ жуковъ Ярославской губерніи“ А. И. Яковлева (реф. см. въ Русск. Энт. Обзор. 1903, стр. 126—131), спѣшимъ указать еще разъ (ср. тамъ-же, стр. 121), что эта работа входитъ въ составъ I^{го} тома „Трудовъ Ярославскаго Естественна-Историческаго Общества“, который можно выписать прямо изъ названнаго Общества (адресъ: Ярославль, Екатерининская ул., д. Губернскаго Земства). Цѣна книги 1 р. 50 к.

Ред.

Novae species tibetanae generis *Carabus* (L.) (Coleoptera, Carabidae).

Auctore

Andrea Semenov, petropolitano.

Carabus ladygini, sp. n.¹⁾.

Rhigocarabus (Rtt r. 1896; Sem. 1898); *Car. morawitziano* Sem. proxime affinis, sed minor, praesertim angustior et gracilior; antennis longioribus dimidium corpus nonnihil superantibus; capite paulo minus crasso, oculis multo magis convexis et prominulis temporibus statim pone oculos fortius constrictis; pronoto multo minore et angustiore, longitudine suâ 1,15—1,3 tantum latiore (vix transversali)²⁾, lateribus ante medium perparum dilatato, longius ante angulos posticos evidenter subsinuato, his retrorsum paulo magis porrectis, callulo marginis lateralis paulo tenuiore; coleopteris angustioribus quam in plerisque speciminibus *Car. morawitziani*, paulo magis opacis, sculpturâ saepius subobliteratâ, tuberculis catenarum (limitum primariorum) angustiusculis, oblongioribus, minus graminiformibus; pene in ♂ aliter configurato: apice multo latiore, obtusiore, subdepresso; pedibus gracilioribus et paulo longioribus, tibiis posticis sulco dorsali multo minus expresso, interdum fere oblitterato; ceterum cum *C. morawitziano* consentaneus; iisdem colore et habitu.

Long. ♂♀ 13,5³⁾—16,2, lat. 5,5—6,3 mm.

Hab. in regione elatâ Tibetiae orientalis (unacum *Car. morawitziano* Sem.): jug. Amnen-kor, alt. 13.—14.000' s. m. (IV. 1900); convallia septentrionalis ejusdem jugi declivitatis, alt. 13.500' s. m. (init. VI. 1901). divortium aquarum fl. Chuan-che (Hoang-ho) et Yang-tse-kiang, alt.

1) In honorem B. Th. Ladygin, membri expeditionis Kozlovianae in Tibetiam (1899—1901), nominata.

2) In *Car. morawitziano* Sem. pronotum valde transversale est, longitudine suâ plerumque saltem sesqui latius.

3) Habemus praeterea specimen abnorme (♂) 11,5 mm. longum, 4,5 mm. latum.

13.500—14.000' s. m. (III/3 V. 1901); riv. Njamtzu, in system. fl. Yangtse-kiang, alt. 13.500' s. m. (II/2 VII. 1901) [exped. P. Kozlov!]. — Specimina numerosa ♂♀ (coll. P. Semenov).

Carabus facetus, sp. n.

♀. *Cychrostomus* (Rttr. 1896; Sem. 1898); *Car. anchocephalo* Rttr. proxime affinis simillimusque, sed angustior, pronoto minus lato, longitudine mediâ vix (1,15) latiore, lateribus medio etsi obtusissime parumque, tamen subangulatim dilatato, deinde antrorsum simpliciter obliquatim (haud rotundatim) angustato, apice angustiore quam in *C. anchocephalo*, margine laterali ante medium nequaquam reflexo neque explanato, ante angulos posticos multo angustius quam in *C. anchocephalo* reflexo, his paulo minus lobatis, apice acutioribus, callo marginis antici medio multo crassiore; coleopteris angustioribus, magis ellipticis, humeris multo minus lobatis, dorso minus convexis, limitibus omnibus bene indicatis, sat crebre sed non asperatim interruptis, primariis paulo magis quam ceteri eminentibus, limbo paulo angustius minute asperato, epipleuris paulo angustioribus; tibiis posticis sulco dorsali magis determinato (imprimis ad basin tibiae), angustiore, sed fundo opaco quoque; ceteris insignibus, colore et habitu cum *Car. anchocephalo* congruens.

Long. ♀ (cum mandib.) 24,5, lat. 8,2 mm.

Hab. in Tibetia orientali, a lacu Kuku-nor meridiem et simul occidentem versus⁴⁾: angustiae Chatu in declivitate septentrionali jugi Burchan-buddha, alt. 11.—12.000' s. m. (1/2 VII. 1901) [exped. P. Kozlov!]. — Solum specimen (1 ♀) (coll. P. Semenov).

Carabus kamensis, sp. n.

♂. *Neoplesius* (Rttr. 1896; Sem. 1898)⁵⁾; *Carabo kashkarovi* Sem. proximus, a quo tamen valde discrepat staturâ paulo robustiore, formâ corporis latiore, palpis maxillaribus articulo penultimo praeter duas setas ordinarias setulâ accessoriâ praedito (semperne?); pronoto lateribus a basi usque ad 2/3 aequabiliter leniterque subrotundatim dilatato, ante angulos posticos nequaquam sinuato, his retrorsum directis, apice acutioribus, etsi breviter porrectis, basi nonnihil arcuatim excisâ, disco fortius grosse rugoso, inter rugas minus evidenter, etsi fortiter quoque punctato, callulo marginis lateralis manifeste remote crenulato, callo marginis antici multo crassiore utrinque subrugosô; coleopteris

⁴⁾ *Carabus anchocephalus* Rttr. habitat montana a Kuku-nor orientem versus sita. Cf. A. Semenov: Horae Soc. Ent. Ross., XXXI, 1898, p. 523.

⁵⁾ Quod subgenus, Reittero secutus, perperam in seriem *Caraborum tribacogenicorum* retuli (cf. Horae Soc. Ent. Ross., XXXI, 1898, p. 441); re verâ ille seriei *Caraborum megalodontogenicorum* ascribendum, nam subgeneri *Pseudocranio* Rttr. proxime cognatum est, id quod inter alia *Car. kamensis*, sp. n., nec non *C. fumigatus* Sem. manifestant.